



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三九七

虛白齋存藁十四卷 吳壽昌撰

一

錢南園先生遺集八卷 錢澧撰

二三七

二林居集二十四卷 彭紹升撰

三七九

測海集六卷 彭紹升撰

五九一

一行居集八卷附一卷 彭紹升撰

六六三

觀河集四卷 彭紹升撰

七六五

乾隆庚戌春鐫

山陰吳泰交

虛白齋存藁

操縵集

對薇集

冰銜集上下

直廬集

驛程雜咏

直廬續集

細吟集上下

細吟續集

虛白齋存藁

憶余年十四五時讀文選及唐宋列朝諸詩集始知古今詩體之殊又從族人處鈔得趙飴山聲調譜始知古今詩體平仄之異顧質鈍性懶不耐多作亦率爾不耐含毫非徒以其時專攻舉業為塾師課所不及也名難實副會多適逢每學使按臨試古學輒列前茅繼且奏賦

行在備員詞館以此起家忽孰甚焉數十年來進

御應教與夫縞紵唱酬皇華紀述積漸成卷錄存行

篋已酉夏校士既過瓜代未及日長多暇因取所存稿

悉授剞劂蓋藉校閱數過破除岑寂遂不復別擇點竄

虛白齋存藁

序

少陵所云蕭灑送日月者是也噫余生平於舉業曾三

折肱尚不敢信為可傳况詩乎雖竣兒子輩還越攜板

歸命歲於家山陰吳壽昌書於貴陽試署

虛白齋存藁詩集總目

操縵集第一

對薇集第二

冰銜集上第三

冰銜集下第四

直廬集第五

驛程雜詠第六

直廬緒集第七

細吟集上第八

細吟集下第九

虛白齋存藁

細吟續集第十

館課詩

館課賦

虛白齋存藁

山陰

操縵集

陽明洞訪文成公築室處

羣山拱禹穴合沓出深翠石厂構嵌空天工剏奧秘陽
明洞天洞大賢此攸寄其人偉千載斯道覺衆寐撼樹
來虬蟬翻疑真學偽吾越誰為傳龍谿暨石簣厥後首
陽殉念臺先生餘緒遂永墜俯仰喟遺烈景企激內媿竭來
屬春晚遊蹤躡幽邃襟袖披清風名山緬茲地遺築杳
難覩想像巖壑異洞口行復還非探金簡字

虛白齋存藁

培風館紅梅盛開

東山別墅水云館係先少保深洲公別業斜見紅芳月漸昏破臘
欲分桃杏色忍寒終老雪霜魂緋衣著處人歸里絳帳
懸邊客在門慚媿未成嘉樹賦一枝籬落漫開樽

驚峯寺

峯迴路轉洞門幽行傍寒溪曲曲流山徑有時穿犖确
野禽無數叫鉤輶三天香氣僧初定半夜經聲月自秋
擬向白雲深處宿浮生長為此勾留

題驚峯寺壁山水

樹裏幾灣春水綠雲端一抹晚山青
郊齋竹院無人到

鎮日名僧自寫經

清明即事

東風吹到一隄春
遍踏青青草趁人
寒食已過上巳未
等閒榆火賜來新

登吳山次高二靜谷明經韻

絕頂吳山秀行行上紫嵒
乍盤途詰曲屢憩石嶽嵌分
派江湖濶中衢闔市嚴
城閨縈島嶼樓閣間筠杉雷起
潮平渡天空雪積巖嵐光
遙欲滴海氣近生鹹
子探金笈睢盱啓玉絨
梅低侵蠟屐柳短拂青衫
濟勝烟霞癖流涎麴蘖饒
共隨從事飲不用大酋監
鵠紆聯僑札虛白齋存藁

張安集

二

風流繡籍咸餘寒
歸路峭斜照遠峯
銜佳境真無際
豪情固不凡磨
唯留月琢懷舊
覓雲劉郢客歌
難續巴人和在
函不堪鄉思發
隔岸望征帆

雪中過訪周八虎木孫二贊皇何大松軒三茂

才

江雲漠漠峭生風
眼見三千色界空
就樹都開花綽約
侵簾小綴玉玲瓏
街寒酒少嫌無力
禁體詩多媿未工
今夜剡溪歸棹晚
此身并在月明中

贈春卿金丈

風流真合作吾師
樽酒論文興倍之
逢眊眊時同露頂

虛白齋存藁

聽伊唔處獨掀髯
夜寒不覺雪三尺
春暖先歸梅一枝
難得竹莊花院住
月明何以慰相思

題金丈春卿詩卷

卅年往跡自西東
去住那堪問雪鴻
賴有吟情隨處好
不吟明月即清風

雪鴻刺草

鏡裏星星感慨生
酒闌燈灺不勝情
祇今我原非故
惟有波瀾老更成

今我幸

初夏階前榴花盛開感賦二首

歲歲榴花開五月
今年四月盛花開
不知多子尋常種
却為繁英特地栽

虛白齋存藁

張安集

三

絳蠟自隨仙裙遠
丹房不逐海槎空
開軒漫愛濃陰好
可與熊羆入夢同

時子尚未舉子

獅子林子參上人

南澗橋南澗水深
潭闕此處見禪心
暫拋講座有花落
閒倚吟筇無客尋
孤石片雲殘子局
小樓明月未絃琴
問誰主者可人意
後有貫休前道林

西興渡

客裘宵寂忽侵晨
路指西陵松柏新
渡艇無逢剛過雨
漲沙有跡便行人
橫看海勢吞吳會
遠送潮聲上富春
十里往來纔隔岸
飽帆各各醉江神

西湖口占

天成佳麗本無雙，費却年來點綴忙。
望去樓臺深著色，踏歸塵土暗生香。
尋橋訪寺新圖換，景白懷蘇舊興長。
不是

六飛頻賜幸，淡粧宜否又濃粧。

齋中洋菊係陳君紫佩課僮滋植於其花也賦

此誌贈

近日落繭種何如，海外奇別隨番舶。
到非假上林移路，越風波險榮均雨。
露滋珊瑚苞的皪，翠羽葉葳蕤洗却。
尋常格標將豔異，姿月團圞面星朶。
綴離離魚鱗心，虛白齋存甚。

全簇鴉黃背半施

黃背俱黃色

對盤承瑪瑙，隔座散瑠璃。

冷骨交加映清芬，次第披濃應塗獮。
髓淡欲掃蛾眉競，秀倚蘭谷分香優。
鉢池最宜栽晚圃，偏見傲新枝深獲。
滋培厚嚴防採摘，私山非女几下國在背。
明時拾見

影瘦人爭把粧，嬌蜨湧窺辨名增。
范譜留植補陶籬，殊域花如許前賢品尚遺。
期君奏絃管多為泛金厄。

應訪懷清沈公林園十首

公以年邁乞身既卜築城之南隅，復購宅傍廢園而疏剔之為遊覽爽塏之所。
壽昌以戚屬時叨遊

懋承命賦詩敬成五言近體十首，粗紀林園諸勝。

何處林園勝，菱鋤舊徑茅。負城塵迥隔，接宅樹相交。
月榭移荒園，煙窗俯近郊。懸與當此地，泉石可無嘲。

何處林園勝，名區占獨多。雙珪禹書穴，一鑑賀湖波。
合賜逍遙榜，真成安樂窩。二疏歸老日，盛事較如何。

何處林園勝，午梅莊始開。欄花廣陵發，
公以觀家屏石

點蒼來。
公舊提刑濟南堂殿晴宜樹，階新雨未苔。
因高魏公節

多覓晚香栽。
晚香堂名

何處林園勝，瓊瑤閣影重。檐垂依曲沼，檻繞列奇峰。
中

壑池中建，東嶺閣西，泰望背東。
武天柱香爐諸峯羅列左右

波殺生寒色，雲衣幻夕

虛白齋存著

唐吳興

容最宜登眺，候新綠雨餘濃。

何處林園勝，紅亭與碧池。勤催放鶴候，閒記種魚時。
籬眼藤斜蔓，塘腰柳亞枝。更聞吟興發，醉白紀新詩。

何處林園勝，羣芳逐景新。長年香作谷，匝地錦成茵。
霜果紅苞綻，煙望翠粉勻。怡情隨所托，若個問朝紳。

何處林園勝，禽魚樂意關。烟霞尋舊約，雲水值新還。
棄

鱸膾銀鉤開，籠愛白鵬滄洲。歸後夢世慮盡，情刪

何處林園勝，春秋秋韭香。閒心儕抱甕，韻事屬還鄉。
敢

忘葵傾日真堪菊，傲霜身名兩無負。為圖老其將

公於

處頗其極曰老園復題一聯云

菊香籬隱若畫簾茶向日小區心

何處林園勝著英此盍簪

公與庶子豫端人先生與修任處泉先生共結撰老之會

同譚紫芝曲獨抱白雲心坐久花承蓋杯闌鳥勸斟風

流來往地駟騎莫輕臨

何處林園勝芝蘭傍砌生

閩名葉春風斑袖舞曉月讀

書聲杖履追仙契純鱸易宦情時因留履齒心跡驗雙

清閣下顏心跡雙清四字

何黍膝茂才哀詞

才壽得兼難先秋玉樹殘漫勞天上召真作地中官荒

土白楊暮浮雲黃鶴寒蘭亭舊游地嗚咽幾重灘

其二

虛白齋存藁

標漢集

六

過從惟我輩繫念病加侵

聞君病革時猶念及月題光高靜谷與余輩數人其可憐

也空有招魂曲能忘歎逝心離羣霜雁唳失侶月猿吟

不及金昆痛琴亡涕滿襟

今兄松軒以天其弟詩三首見示殊為沉痛

冬日偕陳艇湖童梧岡兩舍人高靜谷明經夜

宿南鎮

天南雄鎮會稽東巖壑蒼蒼夜眺同月影動搖秦望雪

江湖依約禹陵風行經虎跡松杉外夢斷雞聲襖被中

曉檢殘碑無數在千秋秩祀重三公

春初同人讌集邵氏山莊餞陳艇湖舍人就官

京師

虛白齋存藁

春堤柳細野梅芳綠酒紅燈興倍長雪後窺牕山面面

雨中送客樹蒼蒼能詩座盡顏光祿看竹園如顧辟疆

清絕玉壺冰共映不知身在故侯鄉

堂名冰玉居

詠紅梅和盛擁史茂才韻

限刀字

一聲檀板對松醪移賞芳姿風格高勾漏令回砂是骨

嶸山地遠雪為操拂來珊瑚樹疑經網雕出瓊英不費刀

舉似丰標渾未得苦吟終日媿詩豪

琥珀杯傾換骨醪枝頭點綴韻彌高非爭凡俗花中豔

自有冰霜物外操塗作脣朱和露液凍成肌粟試風刀

西園雅客增吟興不是詩豪定酒豪

虛白齋存藁

標載集

七

又詠雪

限紅字

去年臘到雪先空今歲春歸雪未融竹牖宵明長帶月

棉裘午冷不關風呵痕凍硯琉璃碧撥點灰爐櫺柵紅

一語村農聞最喜麥滋蝗徙定占豐

己卯領鄉薦將北上應南宮試述懷二十韻

舊宅今猶住重將祖德陳勲名垂史策科第耀儒紳

昌家

落後虛閱百餘春壽惜青衿早

曾祖以一名嗟皓首述

持門依寶婺延澤視貞珉

曾祖母以守旌

家寂弱齡超等倫辭家拋翰墨參幕走風塵饘粥資粗

具田園願始伸閉門却徵聘置却課昏晨先君年未二

大傳著府四十却聘不出日課昌翠兄弟讀書驚質慚無似前途困致身即今

攀晚桂已痛隕靈樁去去驪駒唱冥冥鴻雁賓偶蒙鄉

曲譽敢謂廟廊珍家計籌升斗行程避棘榛初為千里

客已過卅年人歲月多淹滯風霜少苦辛俶衰付僮僕

餞別荷交親知已求奚益逢人熱豈因寸心難解處衣

上密縫新家年逾六旬出門低以此

揚州卽事

十里春風郭繁華有夢傳樓臺成此地烟月照何年鶴

背慙初客梅枝笑別筵歐公堂在望一上蜀岡巔

虛白齋存畫樓集

揚閣晚泊

維揚渡口榷樓開萬舸千艘聚似雷爭倚春城綠岸宿

不知明月照誰來碇風安穩吳娘唱衣露淒清越客杯

一曲殘歌遙對酒畫橋廿四鎮徘徊

謁天妃廟

神爐烟裊棟雲收恍惚金支與翠旂天上遠來河九曲

殿前長擁水雙流波臣竹槌防淮海估客帆檣避石尤

忠信分宜占利涉不須重訪濟川舟

車中曲

砥平大道連青徐驛亭村店百里餘掀帷望遠塵撲面

何處柳絲春風初

尚隔京華一千里停車薄暮起平明只認舟行舊時路

馬蹄蹴踏作波聲

庚辰下第用周石帆學士賀家鑑南再叔新捷

南宮二首韻一自嘲一自慰也

不見扶搖直上時空傳寵鶴舞軒墀看花苦益他人興

畫餅難充我輩飢眊眊欲拚長夜醉蒼茫魚動故鄉思

流光冉冉真成惜隔歲先驚長數髭

關門

恩詔下經時終擬微軀到

虛白齋存畫樓集

玉墀詩果能工寧少達字原堪羨不曾飢千山得得來

蓬梗一枕遽遽付夢思伏檻壯心難自抑挑燈時復斷

吟髭

初晤邱二至山孝廉

漫將氣槩說交親自是緇塵拓落人燕市酒闌何處月

鳳城花發幾經春少年裘馬新無數著宿文章舊有神

強欲語君仍自語遂萬吾輩未應真

五石帆學士寓齋招飲以詩見示次韻二首

瀛館風流控紫衙門懸艾虎泛香蒲驚人尚有迴波曲

照座曾無雲漢圖酒對銅盤和露瀉筵供玉鑊是冰鋪

可堪此日鄉心遠五月清涼賀監湖

異方風景欲銷魂佳節招邀一舉樽梅雨江南剛落子
桐雲日下已生孫香羅競羨新衣疊繡縷聊縈舊臂痕
好語殷勤都講在謂商堂初孝廉且隨驛客採芳蓀

古樹歌為邱二孝廉至山賦

邱君甬上之詩人與予把臂長安閨手持景堂古樹記
索賦古樹詞斷斷自云樹在先世宅孤松雙柏森輪囷
奇勢夭矯互相攫之而裂作蒼虬鱗屋梁繪粉久蝕剥
巋然三樹臣哉鄰載祀六代四嬪距生初幹疑千春
國初諸老盛歌詠鴻章垂後鐫貞珉風流忍令忽中絕
虛白齋存藁據續集

十

舊時往事茲重陳予聞君言起太息閱物增舊人增新
梓澤已墟平泉圯昔時苑囿今荆榛當其搜剔磬巖谷
名材輦致充奇珍雲烟過眼石擊火或燬兵燹尋斧斤
茲樹遭際獨何幸歷劫不逢摧作薪况聞楚材實晉用
物好易主如環循朝伴清門守片石暮歸豪屋施華茵
倘非子孫護持力安得宅畔長嶙峋吁嗟邱氏寶遺植
如凜篳篥遵先民遂令喬木等故國衣冠奕葉澤未湮
豈非樹古宅亦古焉知漢魏兼嬴秦道傍摩娑人愛惜
老屋往往來嘉賓景堂先生棟塘李與邱世世朱陳姻
記中指叙悉顛末瓣香六一標丰神令人見記恍見樹

神遊目想情同真今距作記又百載此宅此樹榮欣欣
婆娑生意那得盡有賦不勞殷仲文媿余才薄思更窘
得句未足揚清芬他年訪君粉榆社夕發會稽朝達鄞
拂拭蒼皮與黛色三宿準擬連昏晨

秦礪泉先生寓齋產瑞芝一本時令嗣君偕諸

都講應京兆試賦詩志喜次韻四首先生後為余於未薦

春房

初日園林曉露籠鳳闈佳氣共慈曦白榆自繞三珠
樹紫茵新蒸一畝宮寶幹擎來猶帶露雲腴採出乍臨
風太平家國多符瑞玉殿銅池造化同

虛白齋存藁

續集

十一

貯向晶盤藉繡茵科名早見品題新無根瑞草寧論種
得氣靈姿最有神金榜分輝當旭日玉衡合度應秋旻
源片中有黃色萬盈尺云云六莖三秀休誇美近屬螭坳第一人
天香袍袖試先鞭記隔

恩科近十年樹有音聲占瑞應庭垂書帶為名賢生輝
絕勝藍田壁益壽兼滋華井泉為語桂林攀折手班如
荷處鎮相聯

紛敷五色比霞蒸聲價真堪益十朋夢裏花開雞距管
衣邊柳染鵲紋綾一樽留賞人俱韻合座聯吟意更勝
可但謝家饒玉樹台階老鳳慶先登

九日有感次友人韻二首

西來山翠疊千重，枉擬登高興未濃。
客館不堪勤把盞，吟壇何處共攜筇。
佳辰九九催黃菊，幽徑三三付綠茸。
遙憶茱萸剛遍插，全家都上最高峯。

不須風雨逼重陽，入眼關山攬客腸。
紅葉紛時仍此地，白雲斷處又他鄉。
射鵰弓燥秋連塞，落雁聲清夜隔牆。
差喜衣塵繼未化，莫歌彈缺學褰裳。

應 教八首

銀潢派迥接高靈，派播賢聲最著聞。
四塞河山盟帶礪，千秋景慶睹星雲。

梓材誥是封時錫，桐葉珪非戲後分。
虛白齋存藁人撰集十二

共說扶輪歸大雅，不將叢桂羨繽紛。

棣萼樓成互映輝，懿親誼篤自

形閑聯賡

殿上晨先召侍讌

宮中晚始歸，領袖龍墀介春酒。
森嚴虎旅

扈秋園獨承

渥寵諸王最湛露，光濃日未晞

棟雲簾雨近蓬萊，畧畫園林錦繡堆。
却愛清光依水石，

儘教游客繞池臺。步迴芳徑添深曲，心對重門見洞開。

試數當時陪賞地，漪澗堂畔一浮杯。

鉛槧紛羅試彩毫，楚詩沛易未辭勞。
酉陽購曲多懸賞，午夜繙書自繼膏。
氣象渾忘龍種貴，風流寧羨鶴笙高。
從知雅望歸朱邸，學業詞華當代豪。

碧梧影接綠蘿陰，唐律吟餘晉帖臨。
倚馬有才真八斗，籠鵝無字不千金。
錦心妙擅天孫織，慧業從參內典尋。
便恐西園都閣筆，天教翰墨獨成林。

行馬森嚴未易過，王門初見禮為羅。
獨尊賈董師儒重，並進應劉賓客多。
花底追陪沾海潤，樽前笑語釀春和。
好將鼓吹休明意，上答

虞廷喜起歌

虛白齋存藁人撰集十三

下交難得是忘形，特遣談心到後庭。
玉府圖書多付讀，瑤樓霓羽亦傳聽。
夢游彷彿神仙窟，眼見分明奎壁星。
何幸齊竿叨濫廁，便居客右語丁寧。

鑑曲明湖舊住村，竭來京輦走塵喧。
門高敢道登時易，座近全除禮數煩。
有句漫思傳鄴下，無才何以賦梁園。
一枝許與鸛鵲借，最是難酬國士恩。

春草四首依韻應 教

芊緜試與望平原，烟景風光取次繁。
謝客吟時曾入夢，江郎賦後最銷魂。
空庭綠滿迷逢徑，絕塞青留度玉門。
惆悵天涯歸未得，萋萋何處問王孫。

和風駘宕雨蕭纖眼底平燕翠欲添別浦多情勞盼睐

征袍無色笑遲淹尋芳得路爭盤馬入室窺人耐隔簾

野店村橋頻認取夕陽斜畔掛青帘

澧蘭沅芷劇關情總待東風吹始生可是托根欣有地

未妨分種媿無名迴承輦路沾新渥結佩騷壇集衆英

鵲鳩不鳴芳意在繡茵閒襯落紅輕

三月鶯花景物連江南回首思絲絲行人曉踏隄邊路

歸騎晴嘶陌上烟園柳相將添翠縷階苔好趁長青錢

平生不盡婆娑意肯共金城溯昔年

周石帆先生輓詩五十韻

虛白齋存藁

蘇段集

十四

奎壁韜芒夜芝蘭掩馥辰斯文誰大雅當代幾詞人公

也乾坤秀猗歟學業醇分惟董相宅藏庫杜侯身派古

饒脩綆鎔經出大鈞蟲魚探至賸罔象索無垠思緒抽

成綺詞條蔚若春風騷壇是主屈賈壘非新在昔曲江

宴早於瀛島親三年勞著作百里走風塵文采留黃閣

聲名動

紫宸制科殊炳煥奏賦最珍璘淵海才無敵雷霆銳有

神鴻章嗤剪刻飛管笑逡巡再領清華選重為侍從臣

榮逾唐陸贄寵繼宋劉筠卸水膠增賜蓬山筆復振賡

颺慶嘉會

眷注沐深仁直日依碑少歸鞍微炬頻

經筵頻顧問

禁草視絲綸既挹朝華秀彌懷秋實珍諸閨荷調護藩

邸並陶甄仰若河魚岱祥為鳳與麟使槎西蜀道文斗

大江濱元禮門常峻歐陽鑒獨真程材收杞梓講學聞

荆榛品藻辭干謁吹噓假笑頰清聲孚物望古誼範人

倫能使文章正堪還風俗淳台階宜此踐要路詎難臻

遽爾桑榆晚依然蓋桂辛同年多獨座門下亦通津無

職離詞翰何心逐搢紳宦情隨海燕鄉夢繞湖莼

虛白齋存藁

蘇段集

十五

是月天開子流年歲在辰但聞呼起起無復過麟麟對

鵬終留楚騷鸞已去秦空留華表語遂結白雲鄰賤子

稽鄉薦前年滯

帝閨相逢欽矍鑠相顧慰沉湮朽質叨餘論微情寄末

姻逢人煩說項得御每留荀駒隙光難駐箕躔彩易淪

朝廷訪遠草弟子祕傳新故事增臺閣新碑向窰窰歌

同田島客情異翟門賓白馬他鄉會黃蕉半席陳不堪

酒壚畔嗚咽涕沾巾

叔母來太孺人節孝詩

吾家蓬中葉門祚衰不昌吁嗟兩叔氏相繼早見喪季

叔尤可悲少年遊泉漳一朝歌薤露千里哀他鄉賢哉
叔母賢巾幗植綱常到股療親疾孝行何芬芳于歸遇
逆遭重夢驚墮梁計至氣欲絕大義全未亡上承姑髮
白下撫兒口黃完彼未完事此心日月光夙夜勤復勤
蠶績魚蟹筐奉姑既承歡撫兒惟義方苦心終不負斯
事信彼蒼吾弟家惠連英英等珪璋讀書報罔極砥行
規方將陳請達

帝闕旌門荷

天章詠歌士大夫投贈紛琳琅綽楔允瓌璋貞珉復焜
煌庶幾垂志乘百世欽冰霜竊媿猶子誼彤管殷敷揚
虛白齋存業

十六

家內分貯先世所遺羊脂玉簪一宣德年製雨

雪爐一以詩紀之

本屬朝冠用先人舊德昭截肪珍淨質叱石稱清標華
髮年時見烏紗世代遙家聲倘吾繼取比漢金貂
合範滿珍備冬官冊舊存當日范銅之法曾有見工部
諸冊者足成俗傳當無容
之精多斑作點光煜潤無痕蠹簡薰時避朝衣藝處溫
傳家休易米手澤慎諸孫有從兄欲以百金
相易故云宜鑑

時以先八世祖少保公大閱圖藏於伯兄圖為

仇實甫筆再紀一詩

名繪留遺澤經年三百餘立功其朽不少保公總督前
達勳業詳明史

列寫照儼生如園中所設神廟御容
及衆公卿皆係寫真過異雲烟錄傳均
金石儲披圖證青史述德重欽欽

虎邱

鶴市西行接虎邱閭廬舊跡我重游仍餘坐石千人滿
枉說金精一劍留向晚蒼聲開士觀微明燈火酒家樓
相逢此地稀愁侶梧葉陰濃况未秋

渡楊子江

天南地北限何曾朝發蘭陵暮廣陵極浦青蒼山點點
無風鼓盪浪層層春潮鷁首江心鎖夜月鼉梁塔上燈
我是錢塘東渡客祇將沙岸認西興

虛白齋存業

十七

天妃廟

浦口指清江河流益震盪迅勢潰穴蟻馳波駛奔鞅是
堰尤險惡陟峻不可上長年促卸帆開頭疾運槳控引
役更番噪呼及並榜百夫挽一緯進尺退逾丈舟客凜
難留騰身置高壤莫禁兩股栗安得雙眸朗黑窟遊蛟
鼉白毫閃罔兩迴視下瀕船一瀉飛電晃心訝須臾變
力笑推移枉失手觸石棱碎為霹靂響誰無鄉園好晴
川平如掌棄彼鹿羣遊試茲魚腹往下者既已然難為
上者想催纜過沉舟心悻成惆悵

癸未歲再下第留京呈劉幹齋夫子二首

昔年講席許陪游親睹人間第一流宦跡近儕何水部
循聲久重魯中牟松筠多節寒如暑桃李無花春易秋
慙媿廬陵門下士街枚食葉帝京留
重披絳帳對扶風題品仍將舊價同不學長鳴駒局促
任教善舞鶴毵毵去留已分隨行脚得失終當付塞翁
有地感恩何以報歸心望斷是南鴻

壽家芝田先生七十

舊聞循吏即醇儒珍重人倫藉楷模下筆早時經吐鳳
放衙垂老試飛鳬年來杖履誇常健歸去田園及未蕪
好在孫曾競羅列錦衣不用玉鳩扶

虛白齋存藁

卷八

十八

送族祖庭寶孝廉南旋

北闕南山志未堅客衾乍暖又歸鞭夢留燕市三春雨
人在吳江六月船剩有青蘊誇舊物竟無畫戟繼當年
江東勲閥家聲在話別重繡祖德篇先大司馬環洲公與孝廉之祖大司馬留村公並以勲業著於史乘每蒙見賜故及之

呈王曉園侍御

行行驄馬客門緒最清華香葉傳驅蠹危冠表觸邪器
增天廟重材自豫章誇公望端倪在青箱屬世家
舊秩含香侍新班執簡從風生仍蘊藉禮在自春容由公
佩章改入手官聲冷趨朝

御氣濃應知溫室樹定有後凋松

臺中想丰采依約十年前雅度陵千頃澄懷月萬川彈
蕉寧讓竹觀鳳肯為鶴幸際朝無事何心諫草傳

自笑菰蘆士經年踏軟塵未酬觀國願空對杖鄉人公今
遇中得句慙偷格銜孟荷飲醇甚知邀拂拭旅食又逢

春

以拙詩求正於諸峒嶼編修賦此致意

盛朝蔚文治和聲鳴九州金閨選清華石渠集炳彪著
作儷炎漢雅頌追成周休明疇鼓吹壇坫資名流緬惟
大雅材嚴整鍾清修舊德傳遺芬逸步凌滄洲軒軒長
虛白齋存藁

卷九

十九

安衡者宿歎追遊證據足根柢風雲窮雕鏤藥階抒麗
藻冊府揚

皇猷想當染翰時華實兼春秋洎乎秦御暇賓從相唱
酬清思削凡體驚彩空常儔吾鄙所宗師寸楮珍珠珍
矧負人倫鑒往往拔其尤燕駟市纖驪越鐸收純鈞餘
論分齒牙獎成重山邱不才忝里梓匠石猥見收荒穢
感疇昔風騷疎尋蒐未敢規鮑謝安能撫韓歐蹇行困
蹇踣嬰語慙呢嘔近窺作者林百家彌紛糅時賢競綺
靡正始忘溫柔擗掩畫優孟謗傷亦此蟬倘墮下劣魔
獲參上乘不運斤期引墨鸞孤視張侯偽體經別裁茲

道庶有由竊以瓦釜鳴俚於黃鐘投聲價非所希講畫
心爰求推敲窘瘦島飛抹懷豪劉回聆岡鳳吟百鳥徒
啁啾

初夏逢雨

一聲雷送忽千峰首夏清和此日逢野樹全移陰羅歷
階流自響水琤琤定知折角歸應早不礙銜泥出漸慵
有客深宵愁寂寞燈前準備舊醅濃

次族祖鑑南農部冬日移居四律

舊遊老阮憶同林樽酒招邀話夜沉守歲未曾喧櫪馬
買隣先已罄囊金勾留宦跡鵝鵝寄撥觸鄉心蟋蟀吟
虛白齋存藁

標 錄 集

二十

莫怪緇塵勞應接幾人巖壑住山陰

粉署合香拔俗姿依然落拓見襟期典衣差喜朝回早
掃徑翻嫌客到遲魯酒寒消須共醉唐花風怯倩誰司
但教簾幕重重護細譜梁州絕豔詞

筆牀茶竈鎮隨身靜裏觀空了宿因簷櫓吐絲蛛欲墮
階除得食鳥知馴啟門座上無殘客步履離東有故人

比隣半秋
帆殿損

惆悵江鄉梅信早一枝應寄隴頭春

潑水余稠盡起稜忍寒肌粟夜頻增夢中得句輸生草
客裏聞歌憶采菱敢比烏衣誇子弟要從白社廁賓朋
聚書更有三冬課擬向西齋取次徵

唐吳兢集
書西齋

呈鄉閭座主湯辛齋夫子三十韻

夫子朝中傑名賢江左稱節多松礪研尊岱嶽峻嶒
玉陞今連步寒遶舊折肱經畝窮賈鄭文派衍歐曾紫
電剏先發青雲氣上凌果看錢萬選寧異幣三微宴賜
蓬池繪光然太乙燈難栖咸避鶴驚笑詎知鵬石室窺
都遍瀛洲路任登演綸期補衮珥筆感從繩道合身名
泰階緣貞吉升西臺班乍轉左闥秩旋增鐵動冠中柱
霜寒簡上凝特標風峻整一輓俗模稜抗疏由忠悃陳
詞異氣矜刑章寬玉律獄吏黜蒼鷹履尾亨原在櫻鱗
怒未曾直聲存

虛白齋存藁

標 錄 集

二十一

翻座陰德及黎烝允在

帝心簡真為輿望憑使星恒遠耀卿月正宵澄浙水濤
如雪秋闈鑑若水掄才搜瑰異索駿選超騰器識嚴行
儉門牆峻李膺羣倫仰師表朽質忝賓與拂拭光仍秘
穩袍舞不勝頻年塵壘塚中歲髮鬚暫知已思難負尤
人分豈應平心近棋局壯志攬銅陵瑤島三千里瓊樓
十二層此身如可到庶不愧師承

除夕次友人韻

駝裘茸帽 帝京塵驚看門符忽換新客裏那堪桃梗
泛來時早負杏花春終年眊眊憑誰打一夜屠蘇不記

巡休撥冷灰書閤字樽前盡是未歸人

元日疊前韻

六街侵曉淨無塵想見書雲景物新得意他鄉佳節酒
闌心難日鳳城春拈來粉荔迎年贈笑去檐梅隔歲巡
遙羨侍中重席坐候門待訪退朝人

市中見賣各種唐花

挽回元化事真能此地斯時得未曾開處煖添深窖火
賣時寒怯御河冰僦居端合依花市種法何緣問馬騰
回憶鄉園過三九玉梅消息亦堪憑

新歲偶成

虛白齋存藁

擬發集

五十二

雙扉空擬日常闌客裏何曾得暫閒花事先春開次第
酒人獻歲飲循環青袍自對池邊草白眼無看雪後山
欲唱驪駒知未穩柳條初嫩不堪攀

諸桐嶼編修雪日招飲賦成二律

非絮非花委路塵堙扉祇合對湘醇但驚頃刻階三尺
不覺流連盞數巡滅燭輝生難辨夜圍爐寒退別成春
長安此會真堪幸拚作生涯爛醉人
侍臣朝罷愛沾衣折簡招呼與俗違火窖花開迎煖信
玉珂客散避寒威詩成禁體心精在悟徹浮生爪印非
且盡樽前休感慨由來郢曲和人稀

春日曹竹虛編修招同諸桐嶼王詒堂兩編修

王偉人殿撰阮唐山舍人城東泛舟至王氏園

分韻得盍字

出郭始通舟晴瀾岸環匝蘆芽柳復絲春老青陰合羣
公倦塵鞅乘興遠攜榼野航恰受人三五相紛還時傳
語笑詳響與湍流容烟墟卧古碣漫漶不堪搨還穿松
林深涼翠互攀踏曲館歷逶迤殘山俯合沓試茗趁新
社沽醅餘舊臘有時藉草眠襟袖增爽颯年來二毛見
髻絲傍禪榻惟將汗漫期風流媿衰履所幸人素心快
茲朋簪盍因之破寂寥並以謝冗雜薄暮起棹謳九閨
虛白齋存藁

擬發集

五十三

又傳蠟

竹虛編修復招諸同人集飲陶然亭賦詩二十
韻

霽日天氣新九衢競飛蓋欣逢校書暇輒飲招儕輩聯
轡城南隅即景殊疎快野塘碧沿綠林柯青蔚蒼戢戢
荻筍肥剡剡麥苗大舍策驀禪烏亭空了無礙層巒勢
蜿蜒西爽襲襟帶雲梯復危踏目窮千里外黃瓦耀長
霄紫閣巨絕塞曠懷坐超忽長嘯起慷慨座客促傳觴
興酣有餘態雄談雜詼嘲幻伎徵狡獪時有口技及
舞杯盤之戲始
知山林性亦在城內鄙人家巖壑佳境誇吳會京雒

偶滯留緇衣成襤褸潭池負春光冥蒙落塵壚如蠶繭
自裹非鳳羽常鍛茲獲物外觀抽身入游隊何異竹林
杯恍續蘭渚會立馬誰能還夕霞散蒼靄

諸桐嶼編修寓齋同詠四首

梅花

急景寒將盡芳枝偏著花堂曾題白玉盆評點丹砂梅盆
紅驛路逢春少鄉心入夢賒祇應動詩興吟閣對橫斜

水仙

劇愛瓊瓏玉檀心綴翠鈿生涯長傍水標格本如仙小
盞擎逾重微波步獨妍梅兄憐客雅一笑共嫣然

虛白齋存藁

孫鍾集

二十四

香櫞

橘柚同包日稀聞貢枸櫞定嫌香冷淡差喜顆勻圓盤
月將堆後林霜未摘前寸心懷碩果留取伴殘年

佛手柑

一指禪如是誰為說賣柑金莖分露掌黃面禮瞿曇妙
共香名飲微將鼻觀參還思好春色再訪洞庭南

次傅巖溪大鴻臚移居詩韻四首

名卿退食愛焚香白首風流異作郎自昔聲華歸侍從
祇今庭院劇清涼樓高慣聽臨風笛客散還飛對月觴
無數朝端排鷺序和鳴端合讓鸞凰

滾滾紅塵走帝城蓬壺清境閉門成常思子美千間
庇不慕長源一品榮花院竹莊新得主玉杯珠柱舊留
名愛看石上藤蘿月近照瑤臺徹夜清

楊柳陰疎水拍隄移家喜傍御河西玉階官散先歸
馬銀箭聲高省聽雞有酒合供中聖樂無詩不在上頭

題魏公近得寒花句肯為秋容格稍低

西風襖被偶相於家本山陰道上居賢舍漁莊空著我

蘆簾紙閣幸分子昌晉寓玉曉閣侍御宅甘成俗客居無竹稍減

歸心食有魚一讀公詩一惆悵二毛已見待何如

再次韻四首

虛白齋存藁

孫鍾集

二十五

畫戟森嚴燕寢香槐柳詩格繼韋郎化衣塵土重門隔
入室風颭微院涼堂上圖書臺上客石邊棋局竹邊觴

高情不受樊籠寄棲作梧枝老鳳凰

底須上界住層城一枕遊仙夢已成望裏輕雲過北闕

閒中晴日坐南榮得隣王翰情相契宅與傳人曾臥衣

安舊有名傳齊都休多少風流熟來往當筵長對玉壺

清

醉帽歸歌唱大隄吟鞭信指鳳城西多年官跡依金馬
萬里鄉心夢碧雞賴有松筠娛晚節肯將風月欠新題
殷勤聽屬門前柳莫弄柔枝向客低